

شَنْطَه وَضِبَّه وَمَفْتَا ح
محمّد عز الدين

شَنَطُهُ وَضَبُّهُ وَمِفْتَاحُ

شَعْر

محمد عز الدين

الطبعة الأولى ٢٠٠٧

دار اكتب للنشر والتوزيع

٠١٢٩٢٥١٥٩٢

المدير العام : يحيى هاشم

www.oktob.net

dar_oktob@gawab.com

الغلاف : أمينة زكي

شَنَطُهُ وَضَبُّهُ وَمَفْتَا ح

شعر

محمد عز الدين

الطبعة الأولى

٢٠٠٧



دار اكتب للنشر والتوزيع

تصدير

إلى هذا القدر الذي أنتظره
ودوماً يخبرني أنه في الطريق

عَلِّمْتِكِ تَرْجَمِي الشَّعْرَ
وَأَدِّبْتِكِ رُوحِي
بِكَرَايَةِ خَيْطٍ
وَأَدِّبْتِكِ نَوْلَ كَانِ مَلِكِ
لَأُمِّي

.....

.....

وَعَزَلْتِي لَغَيْرِي

المجموعة الأولى

شجرة واثنين لمون

بنوته
من قلب النغم
بتخطي خطوها
البسيطه
ع الطريق
تهزّ جذران الحياه
من بين كراكيب
البشر
فرع الحبه
ينتزع جذره الحزين
ويشَبّ
يمسك في السما
يلصمُ خيوط الريح
تبوحُ
وتوشوش الطير المعدي
تنثني ضحكاته

من كثر الفرح
لما تقوله عن حكاية
بنت لسه قلبها

ملفوف

بحبات المطر

.....

بنوته

بتخس القلوب

ويأ الهوا

تحضنها أنفاس

البشر

تترد فيها الروح

تغني للخضار

الثلج يسحب نفسه

من بين الشقوق

يتزل في حضن الموج

يدوب

ويبل راسه

بالدفا

يَرْوِي الْعَطَاشَى

فِي الْجَنَائِنِ

تَرْسُمُ فِي عَيُونِهِ

صُورَهُ صَغِيرَةً

فِي مَدِّ آخِرِ نَظَرَتِهِ

جَوْاءَ الْبَرَاخِ

يَلْمَحُ زَهْوَرَكَ

فِي انْسِحَامِ بَتَغْيِ

بَادِي لَحْنِهَا

وَالْوَرْدِ الْآحْمَرِ

وَالْبِنْفَسِجِ

مَرْصُوعِينَ

قُدَّامَ سَنَابِلِ

ضَحْكَتِكَ

.....

بَنُوته

جَوَاءَ غَنِيهَا

لَيْلِ

طَيِّبِ قَوِي

بیشد کل الناس
تَجَاوَزُ حَتَّتَهُ
اللولؤ المرشوش
عليه
بيعي م الأنوار
زكايب
ويهادي بيها
المحتاجين
بيسيب على كل المداخل
والمخارج
فرحته
للكون سبيل
قرب و دوق
طعم الليالي الطيبه
وان كان في قلبك
أي جرح
في عنيتها بس
هتلاقي كل الأدوية

مكتوب على بابك
خَطَرُ
فيه كهربا،
ولاً الحكاية مكهربه،
ولا انتي حته م القمر؟؟؟؟!!
خافين عليك
من الهوا
بيحوطوكي بحلم
دايب في السهر
علشان يتوه
مين يعشقك
في الليل
وينسى المسأله
وتعيشي وحدك
في المطر
يفزل مساكي بضحكته

ويرمي ورد

على البشر

* * *

جواكي سحر

مالوش دوا

بيخلّي قلبي يفظّ

منّي

يروح يدورّ ع الشجر

ويحّي راسه

ف وسطهم

ويقولّي مستنّي

السفر

يا تاخذني تبعد

من هنا

يا تفكّ سحري وننتهي

يا تروح تسلّم للقدر

مستغربه؟!

قلبي على حي انفطرّ

وانتي يدوب بتفكرّي

تدبني ضحكه
قصيره
وتقولي واحد واتعذر
شحات أنا؟!
والله قلبك ده حجر
لأ مش حجر
قلبك ده حاجه حنينه
بتحط بلسم
ع الألم
الغلطه مني من البدا
بعشق عينيك
ف صمت عالي
مالوش مدا
سايب غدريك
والهوا
قاعد بالبحر
في الندم
أصل انتي حاجه بتتولد
علشان تحرك في الصنم

بتخلّي عنده شعور
يكسّر رسمته
ويدخله عندك
من أبواب الخدم
وانا مين يا ناس
في الدنيا دي
علشان اكون
بس الحكم
واحكم عليك
بقسوتي
إن انتي إحساسك
عدم؟
* * *

دلوقتي هاطلب م القلم
يخرج
يسيب المقلمه
يكتب هواكي ف غنوته
يا أم الليالي منسّمه
مايشوفش غيرك دنيته

وان صابه نورك
بالعمى
دا الحب هو قضيتي
وانتي اللي ماسكه
المحكمه

وحشتيني
وباعمل نفسي
مش عارف..
وحالة رفض واخذاني
عشان انكر
ومش قادر..
ملكك ف قلبي
شيء مجهول
لقيت شوقي للقياسي
مالوش مرسى
بيتعلم يكون بخار
على إديكي..
واحسّ اني ماليش غيرك
وادوب فيكي
ألاقيني باعافر لاجل ما ارجع لك
وحيرة قلبي وعيوني

بتسأل: ليه

وحشتيني!!؟

* * *

عيون الناس

تلوم قلبي على اللهفه

ومش عارف

أداريها..

يا أحلى عيون

وأحلى جنون

وأحلى طريق

باخطئه..

يا قصة حب

بأتمنى أعيش فيها

وأكون فارس لاحلامك..

وانا جنبك

باحسن الدنيا

شيء ثاني

واحسن أنك كلام

مرسوم على جيبني

واحسَّ أنَّكَ حَقِيقَتِي
وكلَّ تَكْوِينِي..
والأَقْبِي
بِقَلْبِي وَرُوحِي بَانْدَهْلِكِ
وَحَشْتِي..

إحساسي بإنك جوايا
علّمني أحبّ
علّمني اتمرّد
ع الماضي
علّمني أنور
واكتبلك ع الحيطه
"باحبك"
والله باحبك
والعالم يشهد على إنك مولاي
* * *

من ساعة ما قابلتك
باحلم
والحلم بيكبر
ويعدّي
ويسافر على نجمه رقيقه
وف عزّ البرد يتللم

وينام على كفك
وفـ بُعدك
يتغطى بقُربك
ويحسّ العالم
وكأنك
الشمس بتطلع جواكي

* * *

أحياناً
بالتخيل نفسي
قاعد ويأكي
وباتكلم
واتأمل في عنيكي
السمرا
واستغرب جدّاً
على حالي
وأما أسأل:
"حييتك ليه ١٩"

ألقاني باجاوب:

"حييتك..."

مش عارف ليه..."!

* * *

صدقني

بإناك مولائي؟

خلّيتي كياني بيتلخبط

من بس خيال

أُمّال لو شفتك

قدامي...!؟

قدامك

شعري بيتلجلج

وحروفي

بتسرسب منّي

وعيونني

بتتغرب عنّي

وامبارح

بيخش ف بكرة

والشارع بيضيق ع الآخر

ويعرج يوسّع ع الآخر
وف لحظة ما اتمالك نفسي
إحساسي

بيكر جوايا
إحساس بالحب

* * *

أنا عايز اقولك: متشكر
على كل دقيقه
وهبتها للقلب
المتعلق بيكي
أنا عايز اقولك: باهواكي
أنا عايز اقولك: مش قادر أتحرك
من غير إحساسك
دا انتي

اللي غرامك علّمني
جوايا أدور ع الآتي
علّمني اتمرّد ع الماضي
علّمني أثور

واكتب لك
على كل ملاحى
"والله باحبك
يا ملاكى
والله باحبك
والعالم
يشهد على إنك مولاتى"

مساء الحب
يا منديلها يا معطر
ويا صورتي
وانا بقلبي قريب منها
ويا جوابات
بتتمنى تشوف الضي
ما بتفارقوش خيالي
لما تتوضوا في كفها
في نظره
من عينيها
طيّه... سمحه..
في صوت خافت
بيطلع م الخجل
يقفل شفايفها
* * *

مساء الشمس
بتصلي
لربّ الكون
وتسهر تدعي وتبسم
عشان تحفظ
تراثيك
عشان تبقي كما إنتي
على فطرة جنين
مولود
ملايكة ربنا لأفاه
بتوب أبيض
طمأنينه
وروح بتحنّ عَ القسوة
وتذّهبها مفاتيح
الأمل
ترسم على وشّ الحياه
بسمه
* * *

مساء الصبر
يسجل حروف اسمي
في كشف طويل
لأحبابك
واخش الفصل
أتعلم
أكون عطشان
وابل الريق بكلمه
طبطبت مره على وذي
واكون هلكان
وامد النظره
واتعكر على صورتك
واكون قلقان
ولا اخافشي
لأنك مهما هتغيي
بتستوطني ذكراكي
وتحضني..
* * *

مساء الحلم
بيسبس على نورك
ويتشعلق
في نظره
إنني مش قاصده تبصّيها
وكلمه
انني مش ناويه تقوليها
وسرّب بعيد من الأحلام
بيتمنى يقرب لك...
* * *

مساء الطيبه
يا عصفوره بتزقزق
مع النسمات
ويا نسمة
بتتمايل على نولك
ويا كلّي
ويا كل اللي ما قدرتش
اقولهولك...

المجموعة الثانية

علبة كبريت

جوّه الفرندّه
مدّدت همك
يسترئج حبتين
قاعد تفكر
والعينين
بتدوس على طرف الرصيف
خايفه تهوي
تختفي وسط الضلام..
أسفلت شارعكو
القدم
أصبح مرايه
للحياه
أصبح خريطه
للأمل

والفجر

مستبك بعيد

وانتَ

بتستأه يبيك

* * *

علبة سجايك

خلصت

والروح

بتتعلق في آخر عقب

فيها

هيّ اللي باقيالك

هنا

هيّ الصديق

وان فارقتك

وانتَ حزين

هتروح لمين

عن كل حاجه

بطئت فيك العقارب؟!

مين هيناجيك؟!

دخان سجايرك
دمّ بيثور في الوريد
كل الليالي
الطيبة

حكمة جدودك
إحساس شروذك
إن الحياة متعلقه
حوالين رقبتك
من يوم ميلادك
* * *

بتمد إيدك
تفتح الراديو بهدوء
- آخر محاوله لاستعادتك -
اغنية الست
الحميمة..

تفتح حوار
مع كل شريان جوا منك
نعد دروس
عن أي ثوره ف التاريخ

اللمبة
فوقك تعترض
تحبس ضيائها
والست تسكت
أفكارك السودا
تهاجمك
تعتقد إنك هترجع
للسكون
فجأة
حقائق صمتها
تخرج أدان
والفجر
بيزقّ النجوم
يعلن وجوده
أملك
تنادي غ المخذة
اللي ف سريرك
وترد من آخر مكان
في الشقه حاضر

كربونه
من نفس الإحساس
الماضي
شفّت كل اللي حاولت انساه
طبعلي
فوق الكراسه
إسمك
اتحسست النبض
الساكن بين شراييني
اتلخبطت
اتمسمرت مكاني
ف حيره
أعمل إيه؟!
* * *

سماعة التليفون

شدتني من إيدي

وسندت أحلامي

على ظهر الحيط

على كنبه أشواقي

ارتحت

وطلبتك...

لحظات بتمرّ بعصبيه

والعالم

يبدور قدامي

اللهفه

حطت على جرحي إيديها

فسرخت

* * *

المشهد

ما فارقشي عينيه

المثرو

بيدوس ع الوقت

وييسرق دقات القلب

الناس ملهيه
في ركوب ونزول
وسباق ع السلم
الواصل بينهم والدنيا
وف آخر كرسين
قاعدين انا واني
بنص لبعض
وبنحضر النظرة
ما بيتا
والحب
واقف مستني الحكم
* * *

- عايزاني
- طبعاً
- طب نعمل ايه؟!
- مش عارفه
- قولي باحبك
- خايفه

(دقات الساعة

بتقرب من ودي

فأصمت)

- عايز اقولك...

- ماتقولهاش

لسه العمر طويل

قدّامنا

لسه ماحدث فينا

اتعرف ع المكتوب

* * *

تحت شويّه

وقبل ما اردّ

وقعت فجأة النظرة

وصرخت

لما مشيتي

وأختر كلمه في ودائي

بتزقق

رقمك مش موجود

في الخدمة...

أنا

ما امتلكشى في الحياه
إلاّ التمنّى
وشوّة الأحلام في جيى
والضحكتين
المرسومين ساعة صفا
ودموع قديمه
خبّيتها جوّه المحفظه
* * *

أنا

كل ليله باندفن
جوّه السرير
واغرس عيونى في المخدّه
وانتظر

النوم يجيئ
ينتهي
أحلامه مع كوابيسه
شنته
كل ليله بتتملى
أيام طويله
* * *

أنا
في المراه كل يوم
بالمخنى ضلّ
هامش كبير
مليان كتير م الأسئله
والصفحه فاضيه
مالهاش ملامح تنتقل
غير الصفار
وكأنها
من كتر ما اتسابت وحيده
ملت حكاوي الخير
من قبل الكتابه

واتلممت جوّه الخريف

* * *

أنا

نفسى اكون انتى البريه

نفسى أكون

الروح بتمايل

على تفاصيل ملاحك

تنفلت

تحضن خبايا نظرتك

تلمس كلامك

تنسحب

وتغوص في نسَمات الحروف

إحساسى بيكى

طفل شارد في العيون

إحساس موارد

ملهوش عناوين تنحفظ

شهادات ميلاده كلها

من غير أسامى

* * *

أنا
مش باحاول أنفلت
من دنيي
أنا بس محتاج للطريق
حاوليني تاني من جديد
قنديلك المفروود
على وش الحياه
بيزق شمعَة سكتي
خليني ادوق
من نهرك المليان حنان
خليني اطيب
من جرح مالمقتلوش سبب
دليني أوصل مطرحي
أو سلميني...
... للهروب

فات العمرُ
والأيام الحلوه
اتحطَّت في الألبوم
وحدك
قاعد جوّه الكرسي
صوت المطره
بينقر قلبك
قبل ما يحطُّ ع الشبايبك
عجز حلمك
سئه
بسئه
والأحاسيس
جواك اتغطَّت بالأوجاع
ألم الوحده
ألم الحسّ الضايغ
فيك

أو إحساسك إنك عاجز

مش في إيديك..

* * *

ضاع العمر

وَحُبُّكَ مات

كدبوا عليك

لما قالوا لك إن الحلم هايفضل

عايش

لما قالوا لك إن النور هيعيش

جواك

طول أيامك

لما قالوا لك إن حبيبتك مش هتسيبك

إنت

بكل بساطه رضيت

تفضل عايش

في الأحلام

وانت لوحدك

دمعك

غطى جنب الكرسي

إنت لوحدك
ميت فيك
صوت المطر
بيخفق روحك
دمعك جوه عينك
بيزيد

وبيتحجر
رجلك تعب
م الأيام
م الأوهام
إيدك
همك ربط فيها
واتحدك
وانت خسرت
بدون أسباب
صوتك
جوه لسانك ضاع
وانت لوحدك
موتك قرب

* * *

لحظه بلحظه

صوت المطره

خلاص بيروح

دمعك

فرغ كل حمولته

عينك قفلت

روحك

سابت حلم حياتك

روحك

سابت حتى حياتك

غمض قلبك

ارحل زَيّ ما عمرك فات

اعرف إنك حتى فـ مرتك

برضه... لو حدك

(١)

تصاويري

رافضه تكلمني

والكاميرا

الملزوقه فـ عيني

من يوم ما وعيت

بترق اكتافي

وتبعدني

وتغمض عدستها

وتبكي

فلاشات مخنوقه

أباجوري

السهرانه ليالي

توتسي

قطعت شرايينها

انتحرت
علشان سرحاني
كان حاضن صورتك
* * *

(٢)
الأوضة
غطت ملامحها
بستائر جلد
والبرد يتسحب
من تحت الباب
المتوارب
كُباية القهوة
المنسيه
فوق الكُميدينو
بردانه
بتسب وتلعن
في اليوم
اللي قابلتك فيه
إحساس الوحده

فطيع
بمّتان أفكارك
أفطع
بكتير
وانا مش غاندي
والصبر
في زما الحالي
ماهوش رجلين
* * *

(٣)
الصورة بتاعتك
خذلتني
أدّني إيجاء
بسقوطني
في نتيجة الثانويه العامه
ووقوفي
قُدام الدنيا
عريان
ما بيسترنيش غير نظرهم

والحزن عليًا
أسطوري
إيماني بذاتي
تاريخي
مولود في مرايتي
وان كنت غلطت
وسمحت لكيويد
يخدعني
مش هاسمح لدليله
تكسر معبد
شمشون

على الشباك
لمحت الشوق
بيتسرب من القلّه
وحبّه كمان
لقيت الدنيا يتمطر
أسى وحرمان
مليت القله ع الآخر
وحطيتها كما كانت
على الشباك
* * *

قفلت الشيش
وسبت النور
بيتخانق مع الكشاف
مسكت جوابك
المرشوش بلون دمعي
قعدت اقراه

ودي المرة الـ.....

مانيش عارف

ما انا اللي قرئت

وانا اللي بكيت

لحد الدمع

ما نسيني

يا انا اللي نسيت

* * *

ساعات وساعات

تخطيني بدون ما اشعر

لقيت الليل

بيحصرني في ركن

بعيد

حاولت اهرب

-بدون ما اقصد-

كسرت الضني

جوايا

وبرايا

وفي الكشاف..

كملي باقي حياتك
مش معايا
مش هحاول أفترض
فيكي الأمل
واعتر إنك في لحظه
تقدري تاني
الرجوع
إنتي
سبتي كل حاجه
للدموع
للسهر.. للإنتظار
جوّه مني زرعني نغزه
زرعتُ آلام كثير
إحساسات
بالإنكسار

بالندم
ويَا الجراح
واكتفيتي بالمشاهده
واعتذار
زيّ ما تكوين غلطتي
غلطة تافهه
زيّ ما تكوين كسرتي فازه
منسيّه فُ صالونك
مش كسرتي قلب
حُبّك
قلب
عاش ليلك
يغنيّ للنهار
* * *
اضحكي
واعملي من كل كلمه
قلتهالك هَلْوان
رَكّي لوحه
بسيطه

من خيالي
ارسميني جوّه منها
أيّ حاجه
حتى لو....
لو بيجامه مقطّعه
جوّه الدولار
لو كتاب
من غير غلاف
لو عروسه
ماريونيت
افرديني
زيّ أوراق
التاروت
اسحبريني
غيري كل الحقايق
خلّي كفري
بالمشاعر ينتصر
خلّي بيكاسو
العنيد

تاني فيا يتولد

پر سمنك

خلفيه باهته

(بور تريه)

ليكي

وانتي بتضحكي

آخر ورقه
بتمدّ إيدىك تقطعها
وتكرمش إحساسك فيك
وف ركن الأوضه
... بتحدف
حلمك
وكانك
من غير الروح..
هتعيش
بتشور..
وتشور..
وتشور..
برّاك
والشرخ ف جواك بيزيد
وشك
عمال يحمرّ

من الخنقه
والضلمة بتنام في وريدك..
وتمدّد

وانت الموجوع
همدان يبعافر في الحيطه
ومالوش رجلين
* * *

دقنك طولت
جلدك في نجامتك عيط
من طول السحن
وصوتك راح
قدامك تَلّ سجاير طافيه

مع إنك

كنت

بتكره

حتى

تشمّ

ريحتها

أسبوع.. في الثاني... في الثالث

عمّال بتفتفت -أحاسي س ك-

ضيّعت كثير

مع إنك عارف

إنت وهيّ (خلاص خلاويص)

* * *

إنت بتغرق جواً سريرك

هيّ بتضحك.. تفرح.. تلعب

إنت وحيد

هيّ ف وسط الناس بتغني

إنت.. مافيش

هيّ ما فيش حاجه

بتجبرها.. تفكر فيك

انسي وجرّد نفسك منها

ارجع للحظه اللي انت رميت

أحلامك فيها

وامسك جلايّه إحساسك

وبلاش تتمرغ جوه ترابه

أكيد مش ليك

دبّس حكاوي أجندتك

في الذكريات

لملم مَراها بجلوها في السندره

اقفل ضُرفها ع القدم

واذيبها ضهرك..

انطلق

او عاك تبصّ وراك..

تُقع..

تشتاق لها

* * *

في البانيو سقط كل شيء

جلدك

مشاعرك

دنيّتك

الدرّ غاوي غنوتك

دندن معاه

"الدنيا ريشه فُ هَوا

طائرةٌ بغير جناحين

واحنا النهارده سوا

وبكره هنكون فين؟"

* * *

ادخل بجرأة ع الدولاب

غَيّر ملامح هدمتك

ولّد

من الجوّ العليل..

إنسان حديد

أديله حلم يعيش معاه

اخرج من اللحظه اللي عدّت

ع اللي جاي

حاول تعيش

* * *

دراعات شارعكو مفتوحين..

مستنيك

إنت الوليد

وسنين حياتك
ماشيہ جنبك
ع الرصيف..
بتطمّنك
خدها في حضنك
حسّها..
إحساس بيضحك
اضحك.. وسب الضحكه
ترمح في الخلا
اضحك.. وغَيّر شيء بشيء
اضحك.. بفرحه
العمر في إيديك.. كمّله
وأياك تحسّس ع اللي فات
تلقاك رجعت
السندره

برّه الأوضه
العالم.. مخلوق متغير
مدّيني قفاه
ولا عارف ابصّ لوشّه
أناكد هو بيضحك..
ولا مكشّر
ولا عارف ازق الخطوه..
الاحقه
مليار وشويه من الأحاسيس
في البعد بيدّاروا ف غيرهم
محروق امبارح.. وعمايله
ملعون الجاي
لو إته اذارى ف ربح سمرانه
يا يشوفنا بحاجه جديده
تجمّع أحاسيسنا ف ربحه
يا بلاش

مش ناقصه صداع

* * *

أنا سبت الأوضه بتاعتي

ف لحظة ض ع ف

كان نفسي أجرب

واشهد بالحق:

تجربتي من الأول فشلت

مع إن حيراني

اللي ف أوضتي قالوا لي:

اوعاك من برّه

بس أنا جوايا شيطان

بيحب يتخرب

لا بدّ يدوق

علشان يتعلم طعم السم

* * *

كل اللي انا خدته معايا

الشنطه الصفرا

وعيون بتزوّغ

وتلاغي ف طوب الأرض

ولا خدت الساعه
ولا خدت هدمي
ولا حتى حاولت اعمل لى بطاقة
كان كل اللي هاعمي ساعتها
أخرج.. وخلاص
عندي..
ودماغي المليانه حجاره
ما بتسلمش
في بلدنا
كانوا يقولوا عليا مدب
بس الموضوع م الآخر.. غيئة
أنا غاوي انتطط
وأعافر
وأقول الحق
ما باحبش حد يكلبشني
ويقول لي: سجنك حرية!!!!
وبرغم ان الشنطة اتسرقت
مش فارقه معايا
يوم ولا اتنين وهفصل غيرها...

* * *

مرسال للأخ
اللي قطع لي تذكرة الطيارة
آياها
متشكر جدًا
ادّيتني الفرصه عشان اتعلم
إزاي اتغير.. وأحاول اتغير
مادّيش الخاين ضهري
بس اتمنى لما ارجع أوضي ف يوم
مالقاكش

- محمد عز الدين إبراهيم
- ١٩٨٢/١/٢٩ - القاهرة
- تخرج في قسم اللغة العربية - كلية الآداب - جامعة القاهرة
- عام ٢٠٠٣
- المدير التنفيذي لمؤسسة ورقة وقلم للخدمات الثقافية والتدريب
- مدير ورشة الشعر - مركز إبداع الطفل الفني - بيت العيني -
- صندوق التنمية الثقافية عام ٢٠٠٧
- عضو مؤسس - فرقة حركة .. سكون الإبداعية - أسست
- عام ٢٠٠٧
- عضو مؤسس - جماعة آدم الأدبية - أسست عام ٢٠٠٤

له تحت الطبع :-

حواديت نص الليل (شعر بالعامية)
أحاسيس مدفوعة الأجر (مسرحية شعرية)

Email :the_bigestone@yahoo.com

الفهرس

٧	خامسه ابتدائى
١١	الحكم نهائى
١٦	الساعة ٢ الفجر
١٩	نزلة حب
٢٤	لمبه سهارى
٢٩	عادة سرية
٣٣	لحظة زوال
٣٧	مذكرات النوتة الصفرا
٤١	حالة
٤٥	ثلاثة (٤ × ٦)
٤٩	ورقه ف ظرف
٥٥	(.....) = مافيش
٥٨	تحويله
٦١	مرسال على ورقة دمغة

رقم الايداع ٢٠٠٧/٧٨٦١